

E COMIENZO DI UN ARTISTA Claudius Philips



Considera como un di e musiconan mas talentoso, Claudius Philips e aña aki ta celebra su di 15 aña den farandula. Durante su trayectoria farandulera el a logra hopi pa su talento, pa e carisma cu e tin pa su pueblo dunando su mensa- henan den su cancionnan locual realmente ta pasando na Aruba. Y asina el a sigui crece y crece durante su añanan den farandula y awe e ta worde considera e unico, e mihor e talentoso Claudius Phillips.

Den un entrevista cu Claudius Phillips e ta conta di su infancia y di henter su trayectoria faran-

dulera y kico e kier logra mas pa futuro.

E BARIO DI AMBIENTE

Naci den e barrio di San Nicolas, na Nijhofstraat, Claudius ta bini for di un familia di 6, di cual 5 ta ruman homber y 1 ruman muher. Claudius ta corda cu e den su barrio tabata uno di hopi ambiente caminda e ta recorda algun di su bisninan cu ta Lord Boxoe, Bill Geerman, Roberto Geerman y Ziggy Place. Despues di tempo su rumannan a bay biba afor otro na Inglaterra, na Hulanda y Sint

Maarten y e a keda Aruba hunto cu su mama.

SU FANTASIA DI MUCHA

Semper Claudius a imagina su mes den un publico grandi, pero pa motibonan financiero e no por a alcanze y ta un cos cu el a siña biba cune como cu semper el a keda cu e fantasia e lo por ta dilanti un publico grandi y cu un orquesta grandi su tras y pa e por presenta. Y pa Claudius locual a duna mas gana di haci esey ta e temporada di carnaval caminda e tempo tur mainta 4'or di marduga e tabata scucha Lord Boxoe traha ariba steelband cu hopi bati- mento. Claudius tabata encanta pa e lanta e ora ey y djiez rek su cabez otro banda y wak con Lord Boxoe tabata trahando su steelbandnan.

TRAINMENTO SCONDI

Locual cu ni su mama mes no tabata sa cu e tabata bay na cas di Lord Boxoe y e tabata tin un piano cora den su patio. Y tur dia Claudius tabata bay eynan y tin ora e familia di Boxoe ta

haya un poco fastioso y nan tabata bisa Claudius awe bo no por toca piano. Y di eynan el a cuminsa. Tambe cu tur Diadomingo e tabata bay misa cu su mama y ora misa cuminza e tabata sali for di misa y bay na e John Wesley Auditorium y eyden e tabata train toca ariba e piano e ora e sa cu misa ta caba e ta bay bek sinta den misa.

PRÔME PRESENTACION UN SORPRESA

Claudius ta conta cu su mama tabata canta den coro, su tata tabata toca trompet, su ruman hombernan tabata toca den Jumping Jewels Steelband. Y Claudius ta corda su prome presentacion den publico tabata un sorpresa pa su mama, ya cu e no tabata sa. E tabata un fiesta na cas di Lord Boxoe, unda cu semper un biaha pa aña tin fiesta y unda un banda tabata toca. E banda tabata di ruman di Lord Boxoe, y door cu Lord Boxoe tabata sa cu Claudius sa toca, a bise pa subi y toca. Claudius cu a worde compaña pa e banda a pone su mama bay


CLAUDIUS TA CONSIDERA SU MES UN BALADISTA

Aunke hopi hende ta considera Claudius un calypsonian, e ta consid- era su mes un baladista. E ta bisa cu el a focus su mes mas ariba piano, despues cu e tipo di musica cu e ta toca ariba piano, el a cuminsa gusta balada. Y el a considera su mes mas baladista. cu cualquier otro cos. E no ta sinti cu e ta un calypsonian pero e ta mas un entertainer ariba e tereno aki. Pero el a bisa cu bo mester sa con pa hinka tur dos hunto y ta esey ta locual ta haci un artista. Pero pa Claudius e ta un baladista.

den un shock y tur su ruman- nan cu tabata tey ya cu nan no tabata sa di nada. Y ta e momento ey cu Lord Boxoe a bisa e mama "Bo tin cu manda e mucha aki les, pasobra e tin un oido masha grandi pa musi- ca".

*We are proud to be your
local distributor on Aruba!*


*Congratulations on your
very succesful 15 year career!*



E TRAYECTORIA DI MIGHTY TALENT

Ademas di tabata toca piano, Claudius tabata train ariba guitarra tambe. For di ey nan e mes a saca un cantica y el a haya cu e ta zona bon. Diripiente el a dicidi cu e ta bay participa na e Calypso Contest di e tempo ey. Sin bisa ningun hende nada, ni bisa con ta nomber di su cancion, un Mighty Talent a inscribi pa Calypso Contest y tur hende tabata enspera ta kende tabata e cantante aki. Ya e tabata tin un tiki experiencia ya cu e aña anterior formando parti di e banda Musical Time el a canta e cancion di introduccion pa e banda aki durante e Calypso Contest.

Ta pesey el a dicidi e siguiente aña cu e ta bay canta Calypso. E ta corda cu el a canta net promer cu Mighty Reds kende hunto cu Lord Boxoe tabata e cantantenan mas popular di e tempo ey. Claudius ta conta cu "biniendo out of nowhere" y e tempo ey un tiki mas loco ya cu e no tabata worry cu ki show e bin, y e no tabata worry cu e haya critica ya cu e tabata wak e mas como un entretenimiento. E ta sigi conta cu e tempo ey e no a pensa cu por tabata tin mucha chiquito eyden, pero e ta bay pa entretene y e ta corda cu el a subi cu Emilio y el a canta "The Surprise" y di ey nan e publico a biba cu ne. Y pa Claudius esey tabata su comienzo ya cu pa su promer presentacion ya caba el a haya e acogida di e publico y a sali Calypso King. Y durante varios aña el a sigui



logra e titulo di Calypso King y despues tambe como Roadmarch King. Durante su 15 añanan den farandula Claudius a logra 13 titulo di Calypso King y 9 di Roadmarch King

CALYPSO KING

1983 The Surprise
1984 Cockfight
1985 Who is who?
1987 Aruba
1988 I Mad
1989 Shut Up Your Mouth
1990 Calypso Classic
1991 The Message
1993 We

1995 One Day
1996 Problems
1997 Who's the Enemy
1998 Basta

ROADMARCH KING

1987 Push It Together
1988 Carnaval Come Again
1990 Dede den Carnaval
1992 Everybody Scratching
1993 Throwing Water
1994 30 Years Fall Down
1995 Push Out Your Cultura
1996 Jouvert Morning
Sandwich
1997 Saco Bashi

"DENNIS THE MENACE" SEMPER SIMPATICO

E titulo menciona ariba ta lo unico cu mi por pensa pa "Claudius Philips" cu ta celebrando awe su 15 aña den farandula.

Pakico ? Pasobra bo mester conoce Claudius pa sa cu tras di e seriedad cu e ta aparenta tin un "joven masha hacidor di chansa" scondi.

Semper mi a conoce Claudius como e mucha cu tabata gusta haci lo "inusual".

Ta conoci por ehemplo e parti di su salimento di misa pa bay toca piano. Su prome pasonan musical publico ora cu ningun hende a kere cu Claudius por a toca piano y el a sorprende tur hende.

Su prome salida den Concurso di Calypso y Roadmarch sin cu su mayornan tabata sa y yegando cas indicando cu e tabata den Lago Sport Park y cu el a participa.

Sorpresa di su mayornan tabata cu e "mucha mal mucha aki" a bin cas tambe cu e titulo y ganando su mentor cu tabata esun di mas grandi e tempo ey, Lord Boxoe".

Mal mucha ? Si, mal mucha den forma di papia, pero nunca un mal mucha den forma negativo.

E mal mucha bon educa na cas, semper cu respet pa tur hende y cu un seriedad inmenso riba tur cos cu e pone su mes pa haci.

Tras di e seriedad aki, un "payaso" cu e ta reserva solamente pa cierto hendenan cu conoce, pasobra e nunca a laga su chanzanan y su humor un banda.

Claudius Philips cu a pasa den su ups and downs, pero a persevera y bira un di e "genionan" musical di islanan ABC.

Mi semper a bisa cu "Na Corsow nan tin nan Reginald Recordino pero na Aruba nos tin nos Claudius Philips".

Claudius a desaroya su mes den ultimo 15 aña den un di e compositor nan mas grandi cu nos isla a yega di conoce.

Su talento no solamente pa compone y aregla, pero pa traha letranan pa su cancionnan ta grandi, hopi grandi.

E habilidad cu e tin di traha su calypsonan y roadmarchnan riba topiconan actual, sea den forma poetico cu rima of sin rima, ta formidable.

Su habilidad di improvisa y hunga cu palabra y frase di un seconde pa otro ta un talento cu ta reserva pa masha poco hende riba e mundo aki.

Su talento musical pa compone cancionnan den cual ritmo cu ta, sea gospel, balada, merengue, calypso, soca, cadans, rock, etc. y di cambia di un ritmo pa otro sin un direccion specifico pa un solo ritmo, ta admirable.

For di 1983 cu el a tumba Lord Boxoe y Mighty Reds (Young Quick Silver tabata na Hulanda caba y Lord Tiger a retira), mi a bisa cu aki nos tin e genio nobo di calypso, y e aña siguiente caba el a pone Mighty Reds, Lord Cliffy y Lord Boxoe un banda y conquista su prome titulo di roachmarch celebrando 30 aña di carnaval cu "30 years fall down".

Despues di esey ta Mighty Cliffy so a logra gane cu "Road on Fire" e anochi di bomberonan di S-United, King John cu "Moving the Hipps", Long Roy cu "More for 34", Tattoo cu "Slide and duck", King Computer, awe difunto, cu "All the way" y Long Roy e aña aki cu "Bull Jam".

Den e 15 añanan ey sinembargo, 9 biaha el a conquista e corona di Roadmarch y ta Long Roy so a logra 2, y di 15 aña di Calypso, 13 biaha el a wordo corona como Rey.

Fuera di nos orguyo, Padu Lampe (Padu del Caribe), no tin un artista, musico, compositor cantante cu den un periodo asina cortico a logra asina tanto exito manera Claudius.

Den nos chanzanan continuo aña tras aña, semper mi a bise: "Claudius, aunke bo ta blanco scur y mi ta preto cla, bo mester ta orguyoso di loke bo ta y semper keda loke bo ta y kende bo ta como persona, no cambia!"

Y e mucha "baldadi" cu mi ta felicita awe, semper a keda loke e ta y kende e ta como persona: Claudius Philips!

Juby

15 aña
entreteniend nos dushi Aruba
cu tremendo musica!
Pabien!
RAM'S
Duty Free

E LOGRONAN DURANTE 15 AÑA

"Pa ta akinan awe, it's not easy, pero djiez sobreviví mi ta kere ta un pik". Esaki ta e palabranan di Claudius expresando su mes di su 15 añanan den farandula. E ta considere uno duro y Aruba ta un isla chiquito cu bo ta sinti na dado momento "kico awor". Si bo ta keda eyan of cay. Pa Claudius e challenge di cada rato por mantene un trayectoria di 15 aña ta su "biggest goal".

Su logronan durante 15 aña:

CANTANTE DI AÑA

1983, 1989, 1990, 1994, 1995

MUSICO DI AÑA:

1983, 1987, 1994, 1995

ARTISTA DI ARUBA MAS POPULAR NA ANTIYAS:

1994, 1995, 1996

COMPOSITOR DI AÑA:

1983

COMPOSITOR DI DECADE:

1980 - 1990

CANTANTE DI DECADE:

1980-1990

GANADOR MR. VALENTINE SONG FESTIVAL:

1980

GANADOR TALENTED TEENS:

1981

GANADOR VOZ JUVENIL:

1983

GANADOR VOZ DI ORO:

1983

GANADOR FESTIVAL O.T.I. ANTIYAS:

1983

3ER FINALISTA FESTIVAL O.T.I. INTERNATIONAL WASHINGTON DC

1983

GANADOR C.B.U. SONG FESTIVAL:

1984

GANADOR CURACAO INTERNATIONAL SONG FESTIVAL: (CANCION):

1988

1ER FINALISTA CURACAO INTERNATIONAL SONG FESTIVAL:

1988

1ER FINALISTA CURACAO INTERNATIONAL SONG FESTIVAL:

1988

(VOICE):

1988

RECONOCIMIENTO DI GOBIERNO PA PARTICIPACION DEN FESTIVAL O.T.I. 3ER FINALISTA:

1983

RECONOCIMIENTO DI YMCA:

1983

RECONOCIMIENTO DI ASOCIACION DI MUSICO NA CURACAO

1993

RECONOCIMIENTO DI GOBIERNO DI ARUBA DOOR DI CONTRIBUCION Ariba Tereno Cultural

1995

RECONOCIMIENTO DI AI AWARDS

1990

RECONOCIMIENTO DI CURACAO FESTIVAL CENTER:

1993



MIHOR AREGLISTA

CALYPSO INFANTIL:

1993, 1994, 1995

MIHOR COMPOSITOR

CALYPSO INFANTIL

1993, 1994, 1995

SODA DI AÑA PREMIO

BASHUL

1984

PLANTUM

AWARD:

1995 (Saca e Boem Boem)

GOLDEN DISC AWARD:

1995 (Saca E Boem Boem)

GOLDEN DISC AWARD:

1996 (Sigi Sigi)

GOLDEN DISC AWARD

BEST PERFORMANCE IN

HOLLAND DOES TRAVEL & PLEASURE PRO-

MOTIONS:

1997

CLAUDIUS CANTANDO NA SPAÑO

Musicalmente participando den otro idioma, Claudius ta considera su participacion na e festival di O.T.I. esun grandi. Pasobra como un joven di apenas 17 aña cu no tin e habilidadnan musical, su Spaño tabata malo, pero toch por a bin cu un cancion traha na Spaño cu melodia cu a capta hende tanto local como internacional. Claudius ta conta cu semper e tabata mira e festival di O.T.I. na television pa hopi aña e ta mira cu Corsoy semper tabata e ganador. "Pa ami pensa cu ami lo yega cu un cancion y gara e popularidad, cu un cancion asina esey mi ta kere cu a ponemi habri mi wowo cu mi ta kere mi habilidad musical ta hopi comercial cu mi ta kere mi por yega hopi leu sin haya e push." Pero Claudius ta conta cu ainda e tempo ey e ta considera cu e tabata hopi malcria e no tabata pensa local cu e ta pensando awor y e tabata hacie djiez pa have fun. Y esey tabata local e kier a haci y nunca el a tuma e festivalnan di O.T.I. na serio aunke semper cu el a participa el a sali 1er finalista.

Cu e cancion "En cada nota cantara tu voz" cu a worde dedica na e fayecido musico Alex Odor, Claudius Odor a logra e titulo di 3er finalista di Festival O.T.I. International na Washington DC. Y na su yegada na Aruba el a haya un ricibimiento en grande cu Claudius ta considera un di e recuerdonan mas grato cu un artista local por ricibi. Pa Claudius tabata algo sumamente grandi cu e no a spera y cu di berdad el a bay den shock ora el a wak e ricibimiento cu tabata tin prepara pa.

15 año
entreteniendo
nos dushi Aruba
cu tremendo musica!
Pabien!
**Non-Stop
CD Shop**

E BANDANAN CU CLAUDIUS A FORMA PARTI

E comienzo di Claudius den banda tabata den Musical Time, pero durante transcurso di añanan el a toca cu Pride, di Aruban Band, di Sound & Harmony como tambe Sensacion del Caribe. Despues di esey el a haya e chens pa bay afor y ora cu el a bin bek el a worde pidi atrobe pa toca den grupo. Pero pa Claudius ya caba el a bin cu e idea cu e no kier tocá den grupo cu ningun hende mas, y e kier forma su mesun banda. Y asina el a haya cu esnan cu a pidie a forma parti di e grupo di Claudius. Y asina OREO a cumenza. Esey tabata na año 1991. Durante e 7 año di existencia di OREO e tocadornan a cambia, pero e base a keda. Cu e banda OREO Claudius a graba 7 compacto. E promer compacto tabata na 1994 "Come TO the Island". Na 1995 e tabata tin 3 CD, un CD Double "10 years of glory", e CD di Saca e Boem cu tabata e explosion musical di OREO y Roadmarch "95, Saca e Bum Bum.

Na 1996 e tabata tin Sigi Sigi, na 1997 Hisa mi Salario y na 1998 Call Me. Segun Claudius ni e tempo ey e tabata business na serio, e ta corda cu nan a graba como 700 compact disc y a yega un momento cu hasta e tabata regala nan. Anto locual a pasa ta cu "Na Paranda" a pega na Corsow y Claudius a worde invita pa bay Corsow caminda el a haya un aceptacion enorme. E cancion "Na Paranda" a kibra record. Y pa Claudius su promer experiencia ta pa mira con e publico den Isla Verde a lanta bay ariba bista ora el a toca su cancion "No bebe di mas".



CELEBRACION EN GRANDE DEN CITY ONE AWENOCHI

Pa celebra e di 15 año aki di Claudius Philips den showbiz Cap's Production tin un tremendo fiesta bailabel na City One, awenochi den City One cuminzando peor di anochi. Puntrando Claudius pakico el a scoge e fecha aki pa celebra su "Musical Journey" di 15 año el a bisa cu tabata ariba un 10 di October cu el a presenta na e festival di OTI caminda el a haya su experiencia ariba e tereno musical. Ta pa e motibo aki 15 año despues e kier celebra esaki cu su pueblo. Pa Claudius e ta considera e 15 añanan aki "the end of the beginning" ya cu pe e tin hopi pa haci ainda y e sa cu e lo ta mas grandi cu e 15 ana cu el a caba di cumpli.

Cu un 15 año di trayectoria den showbizz, Claudius a gradici primeramente na Dios cu a dune e talento cu e tin, na su mama, na e hendenan di su grupo cu a keda cune fielmente, Edwina Werleman cu ta dune e sosten y por ultimo e pueblo cu a trahe. "Pasobra sin e pueblo, nos ta nada. Si nan kier pa bo tey, bo tey. Si nan dicidi cu ta basta, ni kico bo bin cune, esey ta basta. Ta pesey esunnan cu a apoyami, esunnan cu a comprendemi den temponan bon. Mi a haci fout, y mi ta kere cu promer parti ser adulto ta ora bo por acepta bo mesun fout, mi ta kere cu lo mi haci foutnan tambe den futuro, pero sperando semper cu e por sali un positivo cu mi por sigui cu mi carera y sigui haci algo cu den futuro mi por ta orguyoso di dje".

Cap's Productions ta spera cu durante e celebracion aki tur e fansnan y pueblo en general bini hunto y celebra un anochi grandi pa Claudius Philips. Pa e ocasion aki lo tin un recuerdo pa tur hende, acompaña pa un mini poster. Despues cada ora lo tin un sorpresa pa e publico por disfruta di dje. E anochi aki tambe lo tin inauguracion di un Monthly Newsletter cu informacion di Claudius Philips y Oreo y tambe introduccion di e Claudius & Oreo's Fan Club T-shirt pa tur miembro nobo. Ademas lo presenta pa promer biaha ariba pantaya grandi e mas reciente video clip titula: "Ban'di bo" un cancion super romantico cu ta su siguiente tema promocional.



SU COMIENZO DEN MUSICAL TIME

Net e temporada cu Claudius a caba di yega for di Sint Maarten, e banda di e tempo ey Musical Time tabata tin mester un pianista. Como su ruman homber di Claudius tabata toca bajo el a bisa Elgin cu e tin un ruman homber cu ta toca. Y di e tryout eyan, nan a pidie pa keda. Asina Claudius a ke cu Musical Time for di año 1981 te cu 1985. Na 1986 Claudius a bay afor y el a purba di haya un curso pa siña toca piano. Y asina cu ayudo di famia el a bay pa profesionaliza su mes mas na Berkley College, pero atrobe door cu e tabata hopi caro, financieramente e no por a logre. Na 1989 Claudius ta conta cu el a haya un lening for di Unoca pa e bay 2 semester na College y e tabata sa caba kico e tabata kier. El a bay pa sigi un curso ariba un entertainer y el a worde permiti tambe haci cierto cursonan ya cu no ta tur ta worde permiti. Y asina segun Claudius e por a haya un tiki conocimiento mas di locual e ta aspira pa.

15 año

*entreteniendo
nos dushi Aruba
cu tremendo musica!*

Pabien!

Cobalt Club

E CANCIONNAN CU MAS A PEGA

E compositor, arreglista y talentoso pianista, Claudius Philips a gana e amor y admiracion di un y tur, cu a tende y baila ariba e ritmo di su cancionnan tan gusta.

Durante e 15 añanan di showbizz di Claudius e tabata tin varios cancionnan cu a pega super bon tanto localmente como tambe internacionalmente.

Entre otro e cancion "Bouquet di Flor" cu a gana como e cancion di año 1994. Tambe e cancion "Joyfull Christmas Time" tabata e cancion di pasco pa año 1994.

Locual ta worde considera e hit musical tabata e popular cancion "Saca e boem



boem" cu tabata e CD mihor bendi y cu a ricibi e premio di Golden CD Award y

Platinum CD Award bendiendo mas di 26.000 copia. Otro cancionnan cu a pega ta "Ole, ole, ole", despues "Sigi Sigi", "Happy Hour" den añanan 96.

Na año 1997 e hitnan cu a pega ta "Hisa mi salario", "Spion", "Pa ki ba casa".

Y e año aki e tin su ultimo production cu ta e CD "Call Me", cu tin varios cancion bon pega na radio emisoranan local cu ta "Con bo ta come Oreo", "Dionkey Ride", "Ki Dushi" y Diasabra Claudius lo lanza su cancion promocional a Di bo" combina cu un video clip caminda tur presente na City One lo por presencia e video clip aki.

96 TROFEO

Bo tabata sa cu Claudius tin 96 trofeo entotal di henter su carera musical. Y e ta reach cu e siguiente ta otro año.

Esun cu pa Claudius tin un aprecio especial ta e trofeo di OTI, ya cu e ta considera esey ta esun cu a habri caminda pe.



ARTISTANAN INTERNACIONAL

E artistanan internacional cu Claudius ta admira ta Stevie Wonder, Lionel Richi y di e parti femenina Dionne Warwick. Compositor cu e ta admira ta David Foster.

ARTISTANAN LOCAL

Pa locual ta trata artistanan local, Claudius a bisa cu e tabata admira e.o. Edwin Abath cu e tabata tin envidia ariba su stem, e kier a haya e longitivity stem di Jossy Brokke, como pianista semper e tabata admira Hildward Croes y como e conocimiento musical cu e tin semper el a respeta Robert Jeandor. Y sin lubida Lord Boxoe, caminda segun Claudius unda el a sa'i cu su carera musical. Tambe Claudius a bisa cu esun cu a inspire ariba e tereno musical ta Padu Lampe y Rufo Wever. For di nan e tabata proyecta su baladanan tin biaha sin sa e letranan.



KICO TA PASA CU 15 AÑA DEN SHOWBIZZ

"Mi gol semper ta cu si mi musica por worde reconoci internacionalmente. Si esey por habri e porta pa otro nan cu ta bin y tambe pa traha e mesun duro y no djiez traha cantica pa loco, pero traha cantica cu tin un significacion cu tin algo su tras. Esey ta e unico manera cu nos por yega eyfonan y spera cu un hende di eyfo por reconoce e talento cu nos tin akibandan. Nos tin hopi talento akinan, pero mi goal ta cu un dia mi por sali eyfo y worde reconoci, gana un grammy y pa mi musica worde reconoci".

Y pa Claudius pa bo logra esey bo mester di un push di nos gobernantenan, pasobra nan tin e yabi den nan man pa yuda habri e porta pa bay eyfo. "Talento nos tin, pero nos no tin e push".